



education

Department:
Education
REPUBLIC OF SOUTH AFRICA

**NATIONAL
SENIOR CERTIFICATE**

GRADE 11

**SISWATI LULWIMI LWEKUCALA LWEKWENGETA (FAL)
LIPHEPHA LEKUCALA (P1)**

LWETI 2007

EMAMAKI: 80

SIKHATSI: 2 ema-awa

Leliphepha linemakhasi lalishumi nakunye.

TICONDZISO

1. Labahlolwako abafundzise kahle imiyalo ngembi kwekutsi baphendvule imibuto.
2. Leli phepha lehlukane sigaba LETINTSATFU:
SIGABA A: ITHEKSTHI
SIGABA B: UMMONGO
SIGABA C: LUHLELO NELULWIMI
3. Phendvula YONKHE imibuto ngeSiswati.
4. Cala lesi naleso sigaba ekhasini lelisha uphindze udvwebele ekugcineni kwaleso sigaba.
5. Shiya umugca emkhatsini wetimphendvulo takho.
6. Bhala ngebunono nangesandla lesifundzekako.
7. Caphelisa sipelingi nendlela lewakha ngayo imisho.

SIGABA A: ITHEKSTHI**UMBUTO 1**

1.1 Fundzisisa lethekesthi lengentasi bese uphendvula imibuto letawulandzela:

LaNkhosi ucocele batukulu bakhe ngesikhatsi sekukhula kwakhe. Indzaba yakhe iyajabulisa ngoba uyicale lapho akhula khona, uma ashada nendvodza ledzabuka esiveni seMabhele, kute kube ngulapho acedza khona kufundza.

Indvodza yakhe beyisebenta eThekwini, esikhumulweni setikebhe. Beyihlala elokishini laseMlazi. Emva kwekushona kwendvodza yakhe, LaNkhosi wahamba waya eThekwini. Wafika khona watfola umsebenti wasendlini yemlumbi. Bekalala khona lapho emsebentini wakhe. Bekasebenta endlini, apheka, awasha timphahla tabo, aphindze futsi abhasobhe bantfwana. Umholo wakhe bewumncane kakhulu ngoba amsikati.

Sizatfu sakhe sekutsi ashiye likhaya lakhe eMphumalanga bekuyinhlupheko. Bekasebentela bantfwana bakhe entela kutsi bangalali bangakadli. Bekangevani nelubandlululo. Bekakholelwa kutsi sonkhe sinengati yinye, Nkhulunkhulu usidale sonkhe ngemfanekiso wakhe. Bekahlala Kamashu uma angekho emsebentini. Wagcina atfole indlu yakhe.

Watjela batukulu bakhe kutsi uyawutsandza umtsetfo kakhulu. Ngaloko – ke kube yena watalwa angumfana ngabe waba liphoyisa. Ngaleto tinsuku tekuphila kwabo, bekute emaphoyisa alabasikati. Watfola umhlalaphasi ngesikhatsi lesifanele, kodvwa ngaleso sikhatsi bese agulela futsi.

- | | | |
|-------|---|-----|
| 1.1.1 | LaNkhosi wasuswa yini eMphumalanga? | (1) |
| 1.1.2 | Shano umsebenti bekawusebenta uma afika eThekwini. | (1) |
| 1.1.3 | Liholo lakhe bekalihola belimlingene yini? Sekela imphendvulo yakho ngemaphuzu lamabili. | (1) |
| 1.1.4 | Ngemusho lophelele chaza kutsi yini umhlalaphasi. | (1) |
| 1.1.5 | Catsanisa liholo laLaNkhosi lakadzeni neliholo lanamuhla, ubeke netizatfu. | (2) |
| 1.1.6 | Ungaphawula utsini ngenkholelo yaLaNkhosi? Chaza. | (2) |
| 1.1.7 | Kwabangelwa yini kutsi labasikati kadzeni banganikwa umsebenti webuphoyisa? Phendvula ngemusho lophele. | (1) |
| 1.1.8 | Ngemusho lophelele yini leyabangela kutsi LaNkhosi agulele futsi? | (1) |
| 1.1.9 | Catsanisa emalungelo ebasebenti kadzeni nemalungelo lakhona namuhla ubuka lethekesthi lengenhla. | (1) |

1.1.10 Kusho kutsini kushona? (1)

1.1.11 Bewungamphatsa njani LaNkhosi kube bewumtukulu wakhe? (1)

1.1.12 Ijabulisa ngani indzaba yaLaNkhosi? (2)

1.2 Bukisisa lesitfombe lesingentasi bese uphendvula imibuto letawulandzela:

Khetsa yinye imphendvulo kuyo yonkhe lemibuto.



1.2.1 Lamadvodza labukene, ngabe amele waphi emacembu?

- (a) I-Moroka Swallows neChiefs
- (b) I-Celtics neDangerous Darkies
- (c) I-Orlando Pirates neKaizer Chiefs (1)

1.2.2 Buso babo busicocela yiphi indzaba?

- (a) Kujabulelana
- (b) Kutfukutselelana
- (c) Kucocisana ngetebhola (1)

- 1.2.3 Umdlalo webhola letinyawo wendzebe yemhlaba wanga-2010 udzinga emacembu lanjani eNingizimu Afrika uma ubukisisa lesitfombe lesingenhla?
- (a) Latsandza kulwa ngaso sonkhe sikhatsi.
 (b) Lakwati kuphatsa tivakashi kahle.
 (c) Lakwati kudlala umdlalo lomuhle. (1)
- 1.2.4 Singalungiswa njani lesimo lesikhonjiswa ngulamacembu lasesitfombeni?
- (a) Baphatsi abakhulume lokubi ngalelinye licembu nabasemihlanganweni yabo.
 (b) Akukhulunywe ngekutfutfuka kweNingizimu Afrika kutemidlalo.
 (c) Akukhulunywe ngematfuba langahle abekhona ekubuya kwemdlalo wanga-2010 eNingizimu Afrika. (1)
- 1.2.5 Nguliphi licembu lelasungulwa kucala kulawa lakhonjiswa kutheksthi?
- (a) Nguleli leligcoke lokumnyama nalokumhlophe.
 (b) Nguleli leligcoke lokuliphuti nalokumnyama.
 (c) Asungulwa kanye kanye omabili. (1)
- 1.2.6 Baceceshi balamacembu bantjintjelwani kangaka?
- (a) Baphatsi bafuna imphumelelo neludvumo.
 (b) Baceceshi abatiphatsi kahle.
 (c) Kungobe banelubandlululo (1)
- 1.2.7 Baphatsi balamacembu babafundzisani bantfu baseNingizimu Afrika labanabo bona.
- (a) Kubeketelelana ngisho sekumatima.
 (b) Lubumbano.
 (c) Lubandlululo. (1)
- 1.2.8 Sitsini sicubulo se-Orlando Pirates?
- (a) Emabhakabhaka/Letimnyama ngenkhani.
 (b) Bafana bekuthula nelucolo.
 (c) Tinyoni (1)
- 1.2.9 Onkhe lamacembu atinte kusiphi sifundza salapha eNingizimu Afrika?
- (a) EGauteng
 (b) EMpumalanga
 (c) ELimpopo (2)

- 1.2.10 Lamacembu lakulesibonwa asekelwa nguyiphi inkampani?
(a) Telkom
(b) Vodacom
(c) Eskom (1)
- 1.2.11 Bhala tindlela tibe timbili emacembu emdlalo webhola latakhela ngayo imali? (2)
- 1.2.12 Tekuphepha kufanele ticikelele ini kuze imidlalo yaseNingizimu Afrika ibete tingoti. Bhala kube kubili. (2)
- TOTAL SIGABA A: 30**

SIGABA B: UMMONGO**UMBUTO 2**

Fundza lethekesthi bese uyayifinyeta ngemagama langema-60 kuya ku-70.

Bhala linani lemagama lowabhalile kubakaki ekugcineni kwemphendvulo yakho.

Wacala kahle kakhulu umhlangano ehholweni yesive Kanyamazane lapho benhlangano leyatiwa ngekutsi yiLove Life beyifundzisa khona lusha ngengoti lebangwa sifo sengculazi i-AIDS phela. Lusha belutseleke ngetinkhani kutawutsamela lowo mhlango. Umhlangano wavulwa liculo lesive 'Nkosi sikelela i-Afrika' emva kwaloko sihlalo waleyo nhlangano wavele wahlala endzabeni wachaza watsi sifo se-'AIDS' ingculazi phela, ibangwa ligciwane lelatiwa ngekutsi yiHIV lekuyi- akhronimi lemele kutsi 'Human Immuno-deficiency Virus' lokuligciwane lelibangela sifo sengculazi kantsi, i-AIDS yona i-akhronimi lemele kutsi 'Acquired Immuno Deficiency Syndrome' lekusifo lesibulala emasotja emtimba lasivikela etifweni letingahle tihlasele imitimba yetfu.

Lamasotja emtimba enta kutsi nasigula sikwati kwelapheka, uma ngabe sekafile angeke sikwati kutsi selapheke etifweni lebesingalapheki kuto. Cabangani nje live lelite emasotja ekulivikela etitseni live lelinjani? Kuyefana ncamashi nemtimba lote emasotja ekutivikela. Kwadvuma lihholo lonkhe kwenanela inkhulumo yasihlalo, walenhlangano. Sifiso Dlamini wabuye wachubeka wachaza kutsi sifo sengculazi umuntfu angasitfolo njani, wachaza watsi, umuntfu angasitfolo lesifo uma angaya ecansini nemuntfu lonaso lesifo sengculazi uma angasebentisi lijazi lemkhwenyana 'ikhondomu' phela. Liphindze lihahhame futsi lihholo ngemsindvo, achubeke Dlamini atsi futsi umuntfu angasitfolo lesifo uma kungaba khona kutsintsana kwetilondza nemuntfu lonaso lesifo.

Dlamini wabuye wacwayisa kutsi akumelanga sibacwaye bantfu labanalesifo se-'AIDS' ngobe angeke usitfole lesifo ngekucoca nemuntfu lonaso, kumchawula, kudla sitja sinye naye nome kumbatsa ngubo yinye nemuntfu lonaso lesifo sengculazi. Uchubeke watsi kumele sibasingatse bantfu labanalesifo, sibanike lutsandvo ngobe nabo babantfu singababandlululi. Wabuye wachuba watsi bantfu lesebangenwe ngulesifo kumele batinakekele badle kudla lokunemphilo njengetibhidvo. Kumele baye emfolamphilo kuze batfole imitsi letabenta babe nemandla baphindze bativocavoce imitimba kuze bahlale baphilile.

Labo labangatati ngesimo sabo ngaleligciwane kumele baye emfolamphilo bayotihlola ingati mahhala. Kubalulekile kutati simo sakho kusenesikhatsi.

Loko kusita uhlale wati kutsi ungumuntfu lonjani kute ucale kutinakekela. Ungasebentisi tidzakamiva futsi ungayi ecansini ungakativikeli ngobe lesifo sibhebhetsaka kakhulu.

TOTAL SIGABA B:**10**

SIGABA C: LUHLELO NELULWIMI**UMBUTO 3**

3.1 Fundza lethekesthi lengentasi bese uphendvula imibuto letawulandzela: Kuphumelela emphilweni akusiko kwebantfu labakhulu labadla lizambane lapondo kuphela ngisho ngabe ukhule udla imbuya ngelutsi ungakwati kuba yimphumelelo uma utimisele. Lawa ngemavi aNkhosikati Duduzile Mhlanga (36) lowekutalwa eMganduzweni edvute neWhite River. Duduzile usandza kuvula libhizimisi leBed and Breakfast khona eMganduzweni. Lomake uphindze abe ngumcondzisi wakamasipala kantsi wacopha umlandvo ngekuba wekucala kuphumelela kulesikhundla seloku yaba khona lenhlangano.

Utsi linengi laluluhlobo lwemabhizimisi luba setindzaweni letisemadolobheni. Yena ukhetse kutsi lakhe libhizimisi libe sendzaweni lengaphandle kwelidolobha kodvwa edvute nemgwaco lapho ngisho nemuntfu lekuhwalale akule ndzawo atekwati kutfola indzawo yekulala.

Kwatsi uma ivulwa iBed and Breakfast bantfu baseMganduzweni bahholotela kuvulwa kwayo basho batsi 'Hholohhlo yaphela indlala'. Lomcimbi wavulwa ngemgidvo wetingabisa.

'Kuba nelibhizimisi lelitsi mine beculiphupho lakudzala ngoba ngikholwa kutsi umuntfu akukafaneli atsebele emalini layisebenta lapho acashwe khona kuphela' kusho Make Mhlanga. Kudla kweBed and Breakfast kunemphilo kuphekwa ngemafutsa e-Olive Oil.

3.1.1 Sebentisa lesisho lesilandzelako emshweni.

Kudla lizambane lapondo. (1)

3.1.2 Bhala umcondvofana waleligama lelidvvetjelwe bese ulisebentisa emshweni.

Umntfu lokuhwalale akulenzawo. (1)

3.1.3 Bhala ligama libe linye kulawa ladvvetjelwe.

Umntfu akukafanele atsebele emalini layisebenta lapho acashelwe khona. (1)

3.1.4 Bhala umcondvophika waleligama lelibolekwe kuletinye tilimi 'lidolobha' bese ulisebentisa emshweni. (2)

3.1.5 Bhala umusho lonesiga senkhulumo lokhombisa kutsi bantfu baseMganduzweni bajabulela kwakhiwa kweBed and Breakfast. (2)

3.1.6 Sebentisa leligama 'kuvula' emishweni livete imicondvo lemibili leyahlukene. (2)

- 3.1.7 Cedzela lesaga lesikhombisa kutsi Make Mhlanga akahlulwa nguloko lakucalile eMganduzweni.
Indlovu ... (1)
- 3.1.8 Bhala umusho lonesifanisongco, usebentise leligama 'liphupho'. (2)
- 3.1.9 Khokha ligama lemdzabu kulomusho ulisebentise emshweni.
Kunetingabisa letijabulisa tivakashi ngemgidvo. (2)
- 3.1.10 Nika umcondvo lonikwa nguleligama 'emafutsa' kulenkhumo.
Imoto yaMake Mhlanga beyingaphelelwa ngemafutsa beyihlala isendleleni. (1)

3.2 Fundza lethekesthi bese uphendvula imibuto letawulandzela:

Kusa kwatiwa ngabo bonkhe bafundzi labagijimako ngalelo langa ibhasi yagcwala ngekushesha yasho iwubamba locondze kaMakepisi. Yadlula lapha kuboMahushu naboMganduzweni utibonela nje kwekutsi iyahosha imamba. Itsite nayilinganisa naLugogodze acala emajika lamakhulu, lowo mshayeli wacala kushayela ngalokukhulu kunakekela. Kulowo mnyama latsi bhamu lisondvo lasemuva, yalala ngemhlabulo, bafundzi bona baphuma ngemafasitelo. Emantfombatane amemeta kwaze kwavela nakubomake labasedvute. Vusumuzi wacunga sibindzi wabamba umfana sekatiphosa phasi edwaleni, aticedzisa.

- 3.2.1 Sebentisa leligama 'labagijimako' emshweni. (1)
- 3.2.2 Sebentisa sento lesidvwetjelwe kulethekesthi emshweni. (1)
- 3.2.3 Sebentisa libito lelingumfakela kulethekesthi emshweni. (1)
- 3.2.4 Kuneligama leliphikisana naleli lelitsi 'emantfombatana'. Lisebentise emshweni. (1)
- 3.2.5 Sebentisa siphawulo, 'lamakhulu' emshweni. (1)
- 3.2.6 Sebentisa libito 'bafundzi' emshweni libe yinhloko yemusho. (1)
- 3.2.7 Khokha ligama lelilibitombici etheksthini ulisebentise emshweni. (1)
- 3.2.8 Tsatsa libito 'ibhasi' ulisebentise emshweni libe ngumentwa. (1)
- 3.2.9 Hlanganisa lemisho lemibili ibe ngumusho munye ngekusebentisa sihlanganiso lesifanele.
Bafundzi baphuma ngemafasitelo. Bafundzi bebabalekela ingoti. (1)

- 3.2.10 Yakha umusho losendleleni lesalibito nganali ligama lelisetheksthini: 'kushayela'. (1)
- 3.2.11 Shano kutsi lomusho ukuyiphi indlela yesento. Khetsa kuletimphehndvulo letingentasi.
Vusumuzi wacunga sibindzi.
(a) Indlela lecondzisako.
(b) Indlela lephocako.
(c) Indlela yesimo. (1)
- 3.2.12 Khetsa imphambosi lesetjentiswe kuleti letingentasi. 'Bafundzi labasindzile batfwalela bantfwana labalimele.'
(a) Imphambosi yekwentela.
(b) Imphambosi yekwentisisa.
(c) Imphambosi yekwentana. (1)
- 3.2.13 Tsatsa lelibito ulisebentise emishweni lemibili uvete umcondvo losobala nalofihlakele. 'Indlovu'. (2)
- 3.2.14 Sebentisa lesentakutsi 'bhamu' emshweni. (1)
- [30]**

UMBUTO 4

- 4.1 Phindza lesibonelo sesichazamagama bese uphendvula imibuto lelandzelako:

Silondza: linceba, kulimala, kuva buhlungu ngalokwengcile.


Sandla: sitfo semtimba, umusa, kuntjontja.

Tsatsa lamagama lamabili bese utakhela sakakho sichazamavi ngekulandzela lesibonelo lesingenhla:

Ibhola
Lijalidi

(2)

4.2 Bukisisa lesikhangiso lesingentasi bese uphendvula imibuto letawulandzela:



- 4.2.1 Lesikhangiso sicondziswe kubobani? (1)
- 4.2.2 Kuliciniso nobe inkhohliso yini kutsi sicedzamjuluko i'Celebrity sikwenta ube liselebhi. Sekela imphendvulo yakho. (2)
- 4.2.3 Ngekwalesikhangiso 'iCelebrity' yenta emadvodza abukeke, ngobe kubonakala tintfombi tikhangekile ngulelijaha. (2)
- Ngabe umbono wakho utsini ngekutsatsa luhlangotsi kulenkhumalo lengenhla? (2)
- 4.2.4 Ngabe kuliciniso yini kutsi uma usebentisa iCelebrity tonkhe tintfombi takho? (1)
- 4.2.5 Chaza inhloso yemkhangisi ngekubhala lamagama lamabili lasesikhangisweni ehluke. (2)
- Kubukeka.
Liselebhi.

TOTAL SECTION C: 10

SAMBA: 80